

სრულიად საქართველოს კათოლიკოს-პატრიარქის სამძიმარი ჯამლეთ ხუხაშვილის გარდაცვალების გამო



ბატონ ჯამლეთ ხუხაშვილის ოჯახის წევრებს, ახლობლებსა და გულშემატკივართ

მთელი საქართველო გულისტკივილით ეთხოვება საყვარელ შვილს, ცნობილ საზოგადო მოღვაწეს, შეუდარებელ სპორტულ კომენტატორს, არაერთი უმაღლესი ჯილდოს მფლობელს, ქართველ ებრაელთა მსოფლიო კონგრესის თანათავმჯდომარესა და საქართველოსა და ისრაელის მეგობრობის დიდ მოამაგეს, ბატონ ჯამლეთ ხუხაშვილს,- გამორჩეულს პატიოსნებით, თავმდაბლობით, სიკეთით, ერთგულებით, სულგრძელებით...

ჩვენც მონაწილე ვართ ამ საერთო მწუხარებისა და შევთხოვთ უფალს, ან უკვე მარადიულობის მკვიდრმა ჯამლეთის უკვდავმა სულმა თავის დიდებულ წინაპართა სავანეში განისვენოს, მისი ოჯახის წევრებსა და ახლობლებს კი ღმერთმა მიჰმადლოს მშვიდობა და ღოცვის ძალა.

პატივისცემით,

სრულიად საქართველოს
კათოლიკოს-პატრიარქი,
09.04.2023 წ.

